

## **Стихиры Введения во храм на хвалитех, глас 1:**

**Хвалите Его во гласе трубнем, // хвалите Его во псалтири и гуслех.**

Обещания святого и плод благославный / Богородица воистинну явися миру, / яко всех превышшая: / Яже благочестно приводима в храм Божий, / молитву рождших исполняет, // соблюдаема Божественным Духом.

**Хвалите Его в тимпане и лице, // хвалите Его во струнах и органе.**

Небесным воспитана, Дево, хлебом / верно в храме Господни, / родила еси миру Жизни Хлеб, Слово, / Емуже, яко храм избранный и всенепорочный, / предобручилась еси Духом таинственно, // обручена Богу и Отцу.

**Хвалите Его в кимвалех доброгласных, хвалите Его в кимвалех восклицания. // Всякое дыхание да хвалит Господа.**

Да отверзется дверь Богоприятного храма: / храм бо всех Царя и Престол, / днесь со славою внутрь прием, / Иоаким возлагает, освятив Господу // от Него избранную в Матерь Себе.

**Слава, и ныне, глас 2:**

Днесь в храм приводится Всенепорочная Дева, / во обителище Всецаря Бога / и всея жизни наша Питателя; / днесь Честнейшая Святыня, / яко трилетствующая Юница, / во святая святых вводится; / Той возопиим, яко Ангел: // радуйся Едина в женах Благословенная.